



Sanaartornermut Ataatsimiititaliaq
[Postnr.]

Ilisimatitsilluni ataatsimeeqatigiinnermut atatillugu Sanaartornermut Ataatsimiititaliap apeqqutaannut akissutit.

Brevdato: 31-05-2016
Sags nr.2016 - 6509
Dok. nr. 2893222

Aallaqqaasiut

2016-imi aasartinnagu TELE-POST A/S-imi piginnittuunermut periusissiamik ersarissu-
mik Naalakkersuisut suliaqarnissaat pillugu UPA 2016 imm. 119 pillugu uunga ilisimati-
tsilluni ataatsimiigiaqqusinnermut qujanaq.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

Aallaqqaasiutigalugu ersarissassavara Ataatsimiititaliap apeqqtai nalunaarasuartaate-
qarnermi namminersortunngorsaansamut pilersaarutinut annertuumik attuumassute-
qarmata taamaattumillu TELE-POST-ip piginnittuunermut periusissiaanut attuumassute-
qarpallaaratik. Namminersortunngorsaansinnaanissaq pillugu apeqqt TELE-POST-ip pi-
ginnittuunermut periusissiaanut atatillugu aalajangerneqassangilaq, namminermilu al-
lamut attuumassuteqarani aalajangerneqassalluni. Politikikkut suleriaaseq tamanut am-
masuunissaanut pisariaqarnera pilersinniarlugu, Naalakkersuisut siunnersuutigaa
TELE-POST-ip piginnittuunermut periusissiaani namminersortunngorsaasoqassappat
telefoniinnaatigut aamma mobiliikkut kiffartuussinerit immikkoortillugit namminersortun-
ngorsaasoqassasoq.

Ataatsimiititaliameersut arlallit apeqqutaat Namminersorlutik Oqartussat TELE-POST-
imut piginnittuuneranut aqqissugaanikkullu Naalakkersuisut Siulittaasuata Naalakker-
suisoqarfimmud pituttugaaneranut tunngassuteqarallartuummata, taakanngaanniit akis-
sutissanik pissarsiorsimavunga.

Taamaakkaluortoq namminersortunngorsaannermi inuiaqatigiit aningaasaqarnerannut
kingunissaanik misissueqqissaarnerup pilersuisussaataitanermilu misissueqqissaarne-
rup malitsigisaanik namminersortunngorsaaneq pillugu eqqartuisoqalersimanagera apeq-
quteqartoqarsimanageralu sumulluunniit attuumassuteqartinnagu nuannaarutigaa.
Ukiorpaalunni suliaqarnermi politikikkut eqqartorneqartartuni siunissamilu nalunaara-
suartaateqarnermut politikki tunngavilersornissaannut siunertaqarneq nalunaarusiap
ilagivaa. Matumuuna namminersortunngorsaqqinneq pissanersoq imaluunniit maanna-
mut killiffik atuuttoq pissusissamisoortunerunersoq.

Nalunaarusiat suliap suliarineqarnerani pissusissamisoortumik soqutigisaqartunut,
TELE-POST ilanngullugu, tusarniutigineqarnikuupput. Tamanna suliap suliarineqarnera
allaffissornerinnakkut ingerlaarpoq, kisianni tusarniaasoqartarnerup malitsigisaanik pi-
sortatigut ilisimaneqalersimavoq taamaattumillu aamma Inatsisartut ilisimalersimavaat.
Taamaattumik nalunaarusiap imarisaanut annertuumik soqutiginnittoqarsimanagera pissu-
sissamisoortuuvog. Naalakkersuisuni politikikkut eqqartuisarnerit allallu tunngavilersor-
niarlugit suliap allaffissornerinnakkut suliarineqarnera suli ingerlammat Naalakkersuisut
nalunaarusiat suli iluamik eqqartunngilaat. Toqqammavissaq piareerpat suliassaqarfiup
politikianik ersarissaanertalimmik Naalakkersuisut iluminni isumasioqatigiikkumaarput.

Periarfissat assigiingitsut matumuuna massakut killiffiup atuutsiinnarneqarnissaanut imaluunniit namminersortunngorsaaqqinnissamut periarfissat pingaarutillit taakkulu iluaqutissartaat ajoqutissartaallu eqqartorneqarnissaat naatsorsuutigineqarpoq.

Pisariaqartitat kissaatillu naapertorlugit Inatsisartut Ataatsimiititaliai attuumassuteqartut assingusumik isumasioqatigiitsinneqarsinnaapput.

Aammattaaq makku erseqqissaatigissavakka. Politikikkut eqqartukkat tunngavilersorneqarnissaannut sulineq, matumuuna telefoniinnaatigut mobiilikkullu kiffartuussinerit namminersortunngorsarneqarnerannut nalunaarusiaq, TELE-POST-ip namminersortunngorsarneqarnissaanut tunngaveqanngilaq. Oqaatigineqarsinnaavoq, TELE-POST-i ulumikkut namminersortunngorsarneqareernikuuvoq, tassa ingerlatseqatigiiffik piginnittuisa kissaataat siulersuisullu isumaat kisiisa toqqammavigalugit ingerlanneqarmat.

Ingerlatseqatigiiffik Namminersorlutik Oqartussanit 100%-imik pigineqarallarpoq, taamaakkaluartoq namminersornerususut ingerlalersinnaanissaa eqqartorneqarsinnaavoq, tassa Namminersorlutik Oqartussat TELE-POST-imi aktiaateqarluni piginneqataassutitik ilai tuniniassappagit. Naalakkersuisut aktiaatiminnik tuniniaanissaminnut eqqarsaatersuuteqanngillat taamaasillunilu TELE-POST-i namminersornerususut ingerlalnissaa siunnerfigineqarani.

Peqatigisaanik namminersortunngorsaaqqinnissamut atatillugu maannamut nalunaarasuartaateqarnikkut sinaakkutissani attaveqaateqarnikkut namminersortunngorsaaqarsinnaannginnissap inissinneqarnissaa pingaaruteqarpoq – tassa illoqarfiit, nunaqarfiit akornanni nunanullu allanut attaviit (fysisk), imaatigut silaannakkullu attaviit ilanngullugit. Namminersortunngorsaaqqinnissaaq eqqartorneqartillugu, Naalakkersuisut aningaasaqarnermut Ataatsimiititaliaq suleqatigalugu, nalunaarasuartaatitigut kiffartuussiviit namminersortunngorsarneqarnissaannut aalajangiinssannat pineqartarpoq, tassani nalunaarasuartaatitigut sullissisut nutaat TELE-POST-ip attaveqaataannut tigooraasinnaanngorlutik akiliinnaassapput assersuutigalugulu internitseqarnikkut aamma mobilitelefoneqarnikkut sullissisinnaanngorlutik. Taamaasillutik Namminersorlutik Oqartussat nalunaarasuartaatitigut attaveqaateqarnermut susoqaraluarpuunniit kisermaassissusaatitaaginnassapput.

Sanaartornermut Ataatsimiititaliaq apeqqutit nassiussai ataani akineqassapput.

Apeqqu 1

**Nalunaarasuartaateqarnermut Aqutsisoqarfiup misissueqqissaarnerani tusarniaa-
nermut akissutisarineqarsimasutuami misissueqqissaarinerup namminersortun-
ngorsaaqqinnissamut aalajangiinissamut tunngaviliinissamut imarisai naamman-
ngitsutut kukkuneqarpallaartutullu nalilerneqarput. Taaneqartoq eqqaassanngik-
kaanni allanik misissueqqissaarisooqarnikuua?**

Aallaqqaasiutigalugu ersarissassavara nalunaarusiamut marloriarluni tusarniaasoqarni-
kuummat.

TELE-POST-imit aamma Mobiilimit tusarniaanermut akissutisiani nalunaarusiap inuiaqa-
tigiit aningaasaqarnerannut naatsorsuutaanni iluanaarutissat amerlavallaartunik ikippal-
laartunillu ilimagineqarsimanerannik naliliisoqarpoq.

Tusarniaanermut akissutisiat Ataatsimiititaliamut nassiunneqarnissaat kissaatigineqar-
pat, taamaaliortoqarsinnaavoq.

Nalunaarusiat pingasuupput¹, TELE-POST-imi pilersuisussaataitanermit aningaasartuutit nassuiaasut aamma ilaatigut pilersuisussaataitanermit annaasat amerlassusaannut missingersiuisut.

Apeqqu 2

TELE-POST-ip kukkulluni aningaasaliissutigisimasai kiap akilertarpei?

Naalackersuisut / Nunatta Karsia aamma Tele Greenland A/S aningaasaqarnikkut imminnut attuumassuteqanngillat, taamaammat tamanna ingerlatseqatigiiffiup susassaqarfiatut isigineqassaaq.

Apeqqu 3

Aningaasaliinerluisoqarsimatillugu; soorlu naatsorsueriaaseq nutaaq, TELE-POST sunik kinguneqartinneqarsinnaava?

Aningaasaliinerluisoqarsimatillugu kingunerisassanut naliliiniartoqartillugu ingerlatseqatigiiffiup susassaqarfiatut isigineqassaaq, pissutigalugu Naalackersuisut aamma Tele Greenland A/S imminnut atassuteqanngimmata, taamaattumillu apeqqu akineqassapat ingerlatseqatigiiffik saaffigineqassaaq.

Apeqqu 4

Maannamut malittarisassat malillugit TELE-POST-ip silatusaartumik aningaasaliisarnissaat qanoq qulakkeerneqartarpei?

Nalunaarasuartaateqarnikkut attaveqatigiinnermi nutaami aningaasaliisarnernut aalajangiinerit ingerlatsisartut kisimik aalajangigassaraat, pissutigalugu tamanna ingerlatsisartut namminneq susassaqarfigimassuk.

Apeqqu 5

Suup TELE-POST-i silatusaartumik aningaasaleerusussuteqartipaa?

Tamanna ingerlatseqatigiiffiup susassaqarfigivaa, taamaammallu TELE-POST akissutissarsiorfigalugu innersuussutigineqarpoq.

Apeqqu 6

Maannamut siunissamilu malittarisassat malillugit Kalaallit Nunaat tamakkerlugu sullissinerup pitsaassusaanut politikikkut sunniinissaq qanoq qulakkiissavarput?

Nalunaarasuartaateqarnermi niuernermi namminersortunngorsarneqarsimanngitsortaani TELE-POST-imut ingerlatsisartunut aalajangersakkat aqqutigalugit politikikkut sunniinnaaneq qulakkeerneqassaaq. Pissutsini piviusuni, tunisassiap nutaap imaluunniit tunisassiap allanngorneqarnissaanut akuerineqarnissamut ingerlatseqatigiiffiup qinnuteqarneratigut, TELE-POST-ip nammineerluinnarluni suliniutigisarivaa.

¹ Andersen Management International novembarimeersoq 2000-imi, Ementor Danmark, februaarimi 2004-imi (2004-mi upernaakkut ataatsimiinnermi imm. 28-mi ataatsimiisutigineqarsimasoq), Copenhagen Economics, martsimi 2016-imi

Nalunaarasuartaateqarnikkut niuernermi namminersortunngorsarneqarsimasortaani aammalu susassaqarfiit namminersortunngorsarneqarsimasinnaasuni nalunaarasuartaatitigut kiffartuussinerit inuit pisariaqartitaat akiliisinnaassusaallu aalajangiisuutinneri tunngavigineqassapput. Taassuma saniatigut nalunaarasuartaatitigut kiffartuussinerit pitsaassusaat Kalaallit Nunaanni innuttaasunut Kalaallit Nunaanni digitaliusumi innuttaasusinnaatitsinissaat qulakkeerniarlugu Naalakkersuisut pilersuisussaataitaaffiliissapput.

Taamaasilluni nalunaarasuartaateqarnikkut niuernermi ingerlatsisartut akuerisanut namminersortunngorsakkanullu nuna tamakkerlugu sullissinerup pitsaassusaanut politikkikkut sunniuteqarsinnaaneq qulakkeerneqassaaq.

Apequt 7

Maannamut siunissamiluunniit Naalakkersuinermi nalunaarasuartaatitigut kiffartuussineri politikikkut pingaarnersiukkat aningaasalersorneqarnissaat qanoq qulakkeerneqassava?

Tamanna tunngaviumik maannamut ingerlatseqatigiiffiit susassaqarfigaat. Nalunaarasuartaatitigut atassuteqarneq pillugu peqqussummi 2006-imeersumi ingerlatsisartut kiffartuussisut ataasiakkaat aningaasaqarnikkut imminnut napatissinnaanerit naatsorsuutigineqarpoq. Taamaakkaluartoq pissutsini piviusuni TELE-POST-ip ilumini suliniutinut allanut tapiissuteqarneratigut tamanna pivoq.

Nalunaarasuartaateqarnikkut niuernermi namminersortunngorsarneqarsimasortaani pilersuisussaataitaaneq aqcutigalugu pilersuinissaq qulakkeerneqassaaq. TELE-POST pilersuisussaataitaasutut toqqarneqarnissaa naatsorsuutigineqarpoq. TELE-POST pilersuisussaataitaaneq pissutigalugu amigartooruteqaruni, nalunaarasuartaateqarnikkut kiffartuussisut suleqatigiillutik amigartoorutit matussuserniarlugit aningaasalersuivigissa-vaat. Tassa niuernermi namminersortunngorsakkami ingerlatsisartut tamarmik pilersuisussaataitaanermi amigartoorutit matussusernissaanut aningaasalersueqatigiissapput.

Apequt 8

Naalakkersuisut avinngarusimasut nunaqarfiillu nammaqatigiissinnaanissaat qanoq qulakkiissavaat?

Naalakkersuisut nammaqatigiittumik pilersuisussaataitanermik aalajangersaanermi, Kalaallit Nunaanni innuttaasut tamarmik nalunaarasuartaatitigut kiffartuussinerit Kalaallit Nunaanni digitaliusumi ajoquteqanngitsumik atuisinnaanissaat ineriartortoq qulakkiissavaat.

Apequt 9

Inuiaqatigiit attaveqaqatigiinnermut piginninngikkaluarlutik soqutiginninnerat annertuvoq. Siunissami attaveqaqatigiinnerup aserfallatsaaliuivigineqarnissaa allisarneqarnissaalu qanoq qulakkeerneqassava?

Namminersorlutik Oqartussat illoqarfiit, nunaqarfiit nunallu allat akornanni attaveqaqatigiinnermut kisermaassisussaataapput. Taassuma saniatigut Namminersorlutik Oqartussat illoqarfiit nunaqarfiillu iluini kabelinik attaveqaqatigiinnerinut kisermaassisussaataapput.

Tamanna kisermaassisussaataaffik Naalakkersuisut piginnarniarpaat.

Kisermaassisussaataitanerup pigisaanik ingerlatsisartutut akuersissummik tunniussisoqarsinnaavoq. Ingerlatsisartutut akuersissutinik tunniussinerni ingerlatsisartunut akuerisanut piumasaqaateqartoqarsinnaavoq. Taamaasilluni attaveqaqatigiinnermik politikikkikut aqutsinerup ingerlaannarnissaa qulakkeerreqassaaq.

Nalunaarasuartaatitigut attaveqaqatigiinnernut aningaasaliinernut tamanut politikikkikut nalilersuisarnissaaq Naalackersuisut pissusissamisoorinngilaat.

Taamaammat Naalackersuisut pilersuisussaataitaasup sullissinermut pitsaassuseq naammassisassaanik pilersuisussaataitanerup politikikkikut piumasaqaatilersuissapput.

Apeqqu 10

Sooruna CE-p nalunaarusiaa pissarsiassaajunnaarsimasoq?

CE-p nalunaarusiaa tusarniaanerup nalaani soqutiginnittut akornanni pissarsiassaasimavoq. Naalackersuisut nalunaarusiaq isumagereerpassuk Naalackersuisut nittartaqaanni tamanut saqqummiunneqarnissaa pilersaarutaavoq.

Apeqqu 11

Inuiaqatigiinnut iluaqutissatut pissarsiassat nalunaarusiami eqqaallatsiarneqartut, qanoq pilersarpat qanorlu nuannaarutigisinnaavavut?

Inuiaqatigiit aningaasaqarneranut pissarsiassat pingaarnertut nalunaarasuartaateqarnikkut naammassisinnaasat amerlisarneritigut pilersinneqassapput. Niueriaatsit atuisunut naleqqussarneqassapput attaveqaqatigiinnernullu aningaasaliisarnerit pitsanngorsaavigineqarnissaat sunniisinaaningorsarneqarnissaallu qulakkeerreqassaaq.

Apeqqu 12

Nalunaarasuartaatitigut kiffartuussinerit qanoq nassuiaateqarpa?

Aallaqqaasiutigalugu taaneqarpoq politikikkikut aalajangiinissamut tunngavik paasisstissat tunngavigalugit suliarineqaleruttorpoq. Massuma suliap kiffartuussinerit namminersortunngorsarneqarnerisa kingunerisinnaasaannik misissuinissaaq ilagivaa. Kiffartuussinernik namminersortunngorsaanerup nalunaarasuartaatitigut kiffartuussisut nutaat TELE-POST-ip attaveqaqateqaataannut atuisinnaangortillugit pisisinnaangortippai. Siornatigut taaneqartutut tamanna nalunaarasuartaatit namminersortunngorsarneqarneranut pingaaruteqarpoq. Aammattaaq oqaatsip kiffartuussinerit namminersortunngorsarneq nassuiaataa aamma telefoniinnaatigut mobiliikkullu kiffartuussinerit siunissaasa qanoq isikkoqarneri pillugit apeqqu 14-mut akissut pillugit nalunaarasuartaatitigut atassuteqarnermut innersuutissavakkit.

Apeqqu 13

Maannamut siunissamilu nalunaarasuartaatitigut kiffartuussinernut aamma nalunaarasuartaatitigut attaveqaqateqarnermut malittarisassatigut sinaakkutissat suuppat?

Naalackersuisut illoqarfiit, nunaqarfiit nunallu allat akornanni nalunaarasuartaatitigut attaveqaqatigiinnerannut kisermaassisussaataitaaffik pigiinnarniarpaat.

Kisermaassisussaataitaneq ingerlatsisartunut akuersissuteqarnikkut suliakkiisassaaq.

Nalunaarasuartaatitigut kiffartuussinerit aamma nalunaarasuartaatitigut attaveqaqatigiin-nerit kalaallinut atuisunut pitsaanerpaanissaat akikinnerpaanissaallu TELE-POST-ip qi-tiusumik suliassaraa. Naalakkersuisut tamanna naapertorlugu ingerlatsisartut akueri-sap suliassai naleqqussarusuppai.

Telefoniinnaatigut mobiliikkullu kiffartuussinernik namminersortunngorsaasoqassappat Naalakkersuisut TELE-POST-i pilersuisussaataaaffilissavaat. TELE-POST-ip pilersui-ssaataitanerup malitsigisaanik amigartoorutai matussuserneqassapput.

Amigartoorutit aningaasalersorneqarnissaanut malittarisassiortoqassaaq, Kalaallit Nu-naanni nalunaarasuartaateqarnikkut ingerlatsisartut nammaqatigiillutik pilersuisussaati-taanikkut amigartoorutit aningaalersorniassammatigit. Attaveqaqateqaatinut naligiittumik atuisinnaaneq qulakkeerneqassaaq. TELE-POST-i naatsorsuutitigut agguataarlugu im-mikkoortiterneqarnissaa pillugu malittarisassat Naalakkersuisut akuersissutigereerpaat. Pisortatigut naatsorsuutit siullit ukiamut tunniunneqassapput. Suliffeqarfiup ilumini suli-niutinut allanut aningaasaliissuteqarsimassappat naatsorsuutit ersarissumik takusin-naassavaat. Aammattaaq TELE-POST-i engros-immikkoortortaqaarfimmik (pilersuisus-saataitaasup kiffartuussisullu akornanni niuertoq) pilersitsissaaq, tassanilu ingerlatsisut TELE-POST-illu niuertarfia engros-kiffartuussinernik pisisassallutik. Makku suliniutit naammassanngippata TELE-POST-i agguataarlugu immikkoortiteqqinneqassanersoq Naalakkersuisut nalilersussavaat.

Atuisut pisariaqartitaminnut sullissilluarsinnaanerpaamik isumannaatsumik toqqissisima-nartumillu ingerlatsisumik toqqaasinnaaniassammata, atuisunut illersuinissamut minner-paaffiliilluni maleruagassiortoqassaaq. Ingerlatsisartut assigiinngitsut akornanni atuisut oqarasuaataasa normuinik qanoq nuutsitsisinnaanerannik ingerlatsisartullu akornanni angallanneq qanoq naatsorsueriaaseqassanerannik maleruagassiortoqassaaq.

Taamaakkaluatoq ataatsimut isigalugu susoqaraluarpalluunniit maleruagassat taakku inissinneqassapput, pissutigalugu nalunaarasuartaateqarnikkut niuernerup – internitse-qarnikkut kiffartuussineq - ilaa namminersortunngorsareernikummat.

Apeqqut 14

Oqarasuaatiinnakkut mobiliikkullu kiffartuussinerit siunissami qanoq isikkoqar-pat?

Ukiuni makkunani nalunaarasuartaatitigut kiffartuussinerit internitsikkullu sullissinerit, aamma OTT-mik (Over The Top) sullissinernik taaneqartartut, ataatsimooriartulerni-kuupput.

Facebooki tassungalu atasooq messenger applikation allaqatigiissinnaatitsisoq oqaloqati-giissinnaatitsisorlu tamatta nalugunangilagut. Soorlu aamma Skype tamatta nalunngik-kipput.

OTT-mik sullissinerit, soorlu Skype, Face Time, Messenger assigisaalu, siunissami oqa-loqatigiinnissamut kiffartuussinerit ilaatigoortumik taarsinngikkunukku taarserluinnartus-saavaat.

OTT-mik sullissinerit nalunaarasuartaatitigut atassuteqarneq pillugu peqqussummi aala-jangersarneqarneq ajorput, pissutigalugu nalunaarasuartaatitigut atassuteqarneq pillugu peqqussum malillugu nalunaarasuartaatitigut kiffartuussissutaanngimmata imaluunniit na-lunaarasuartaatitigut attaveqaqateqarfiunngimmata.

Oqarasuaatiinnakkut mobiilikkullu kiffartuussinerit OTT-mik sullissinernit unammillerneqarnerat annertusiartuinnassaaq, tamannalu nalunaarasuartaatigut kiffartuussisunut isertitaannullu unammilligassaavoq nalinginnaasoq. Tamassuma kiffartuussinerit piffissami arlaanni namminersortunngortinnissai ilimanarpoq, pissutigalugu TELE-POST-ip pilersuisussaataitanermini amigartoorutini matussusersinnaassagamigit.

Inussiarnersumik inuulluaqqusillunga
Med venlig hilsen

Knud Kristiansen